

METO MUHO

Sypatzenbur
në
fuztunë

BIBLIOTEKA
SHTETIT

81H-1

M 98




VARGJE
RAPSODIKE

81H-1
NI 98

METO MUHO

SYPATREMBUR
NË FURTUNË

Vargje rapsodike




SHTËPIA BOTUESE «NAIM FRASHËRI»

OXUM OTUM

Redaktor: **Lirim Deda**

Kopertina nga: **Hiqmet Agolli**



BUÇET KËNGA

Gërnetë me çiftelinë
bie me hare,
për Enverin, për Partinë
po këndojmë ne.

Se na suallën lirinë
dhe jetën e re;
sa lart e ngritën Shqipërinë
gjithë bota e njeh.

Ndezur janë si yj' të zjarhtë
me dritë e ide,
prijnë për në komunizëm
mes furtunave.

SI LULJA U THAVE

O manushaqja me erë,
zbardh e skuq flokët e verdhë,
vetullzezë, symështjerrë,
ndrit si hëna në pranverë.

Nëna jote me mblesërinë
ty të prishi dashurinë,
të dha plakun për parinë
dhe paran' për lumturinë.

— Poliksen, që ndrit si hëna,
ç'ke që s'qesh, të keqen nëna?
Për atë që më rreh zemra
m'u prek mushkëria brenda!

Për klimë të ngjitën në male,
të ushqenin nëpër stane,
me qumsht, mish e bukëvale,
po ti si lulja u thave.

1940

FYELLI I BARIUT

Bariu në male
me kërrab' në dorë,
me shark e llabane
në shi e në borë;

verës në luginë
fyellit i bie,
nëpër trendelinë
bukur e me shie.

Ku bëjnë mërzhimnë
fyelli s'pushon,
gjithë melodinë
kopesë ja kushton;

historin' në hie
çdo ditë e lexon,
fyelli në korie
për Partinë ushton.

NË PËRVJETORIN E BATALIONIT

Ecnit monopatesh, nën dritën e hënës,
herë ja krisnit pushkës, herë ja merrnit
këngës.

Vite porsi ujërat, hej sa shpejt që rodhët,
ju ecët ndër vite, ecët, si s'u lodhët!

Flakët nëpër këmbë, e ju përmbi flakë
e tashti sërish ja u mblodhët prapë,

Rrini ju të heshtur për shokët e vrarë
te këta flamuj, këta lapidarë.

Buçet bulevardi kur parakaloni,
radhët s'mbeten bosh, shikoni... shikoni.

Eeni bulevardit, nän dritën e hënës,
herë brohorisni, herë ja merrni këngës.